



Australian Government

COVID-19
✓ **VACCINATION**

Cóm, dud hábáni adde COVID-19 véksin ókkol

Comirnaty (Pfizer) ar Spikevax (Moderna) véksin ókkol or wosíyot gorágiyyé hámel, dud hábár yá cóm óibar plan goréde maiya fuwain dólla. Maiya fuwain dé véksin gúa loifaribó cóm ór zehonó woktót.

Hámel maiya fuwain adde hítárar abiyaiya fuwa llá COVID-19 ór hora, uzan notija ókkol ór hótóra becí. Hámel maiya fuwain zaráttú COVID-19 óibó híba ttú hóspital zaaforibár hótóra adde neháyot saásita gorá lagar hótóra becí. Hítárar abiyaiya fuwa gúa adinna óibar emkan ó bout becí (cóm or 37 háftar age óizoon) ar saásita lla hóspital zaaforibár emkan becí tákibo.

Hótóra ókkol óre homaibólla véksin mara óiye dé beétór torika. Tin ottú só háfta duré gorí Pfizer véksin or 2 foijjal, yáto sair ottú só háfta duré gorí Moderna véksin or dui foijjal tuñárttu lagibó.

35,000 zon óttu aró beec hámel maiya fuwain dór wore United States or oggúa elómi tahákik é deháiye dé ki hámel adde be-hámel maiya fuwain duní zatir wore véksin marar baade dhákkyá asór ókkol becí borabor. Adinna biyani, mora biyani, feçot fuwa gura tákani adde mazur biyanir dhóilla uldacída mockilat ókkol ór emkan oré véksin mara ye nobará.

Hámel maiya fuwain dór COVID-19 maalumát zehón barér, añará nizor sístem ot taza gorá zari rakíyum.

Cóm abostát COVID-19 véksin loon or baade emkani dhákkyá asór ókkol kí?

COVID-19 véksin ókkol or baade aám dhákkyá asór ókkol óiyedé:

- zor
- dhuñá bic
- matá hoñori
- gusso bic
- girá bic
- sórdi.

Tuñár véksin marar baade zodi tuñáttu dhákkyá asór ókkol iin honó ekkán táke, aám dhákkyá asór ókkol iin óre homaibólla paracetamol loifaribá. Cóm or hár woktót paracetamol maháfuz.

Hámel maiya fuwain adde hítárar fuwain dólla duniyai agagurar elómi tahákik ókkol é honó háas dhákkyá asór ókkol noófa. Bahárrhal, yaán mumken de ki héçe hodún becí omil dhákkyá asór ókkol tákítfare zíin óre aijó elómi tahákik ókkol é noófa.

Cóm abostát COVID-19 véksin loon ottú añárar fuwa llá honó fáida ókkol asé né?

COVID-19 ola hámel maiya fuwain dóttu mora fuwa yáto adinna fuwa biyaibár hótóra bou't becí. Hítárar fuwain dé yó biyaibár thaim ot perecani deháitfare, yáto hóspital ot nuwa óiya fuwain dór beec saásita gorár zagat elaj or zorurot deháitfare.

Véksin mara óiye dé hótóra ókkol iín óre homaibár sóbse bála torika.

Sáñisi sóbut é hoórde ki COVID-19 véksin loibaade foida gorázade entibodi (uzan jisím) ókkol é fuwar zol-hóilla ré farái nofaré, háas gorói cóm abostár sóñore véksin maijjamaiya fuwain dóttu zetará , zará nizar fuwa óibar gottú duni foijjal loifélaiye. Entibodi ókkol iín é fuwain dóre COVID-19 ór khéla'f kessú héfázot dibo zindegir foóila hoek mac ókkol ót.

Dud hábár de maiya fuwain dólla wosíyot ókkol ki?

Dud hábár de maniya fuwain dólla Pfizer adde Moderna wosíyot gorá giyyé. Véksin marar age adde baade tuñúi dud hábáni jari rakí faribá.

Cóm óibar or plan gorér de maiya fuwain dólla wosíyot ókkol ki?

Cóm óbar plan gorér dé maiya fuwain dólla yó Pfizer adde Moderna wosíyot gorá giyyé. Hámel óibar age véksin mariféloon maáni gúñçá cóm ór thaim ot COVID-19 óttu tuñúi héfázot háasel goijjó. Meérbáni gorí monot raikkó dé ki:

- COVID-19 véksin marar age yá baade hámel bonoon ottú tuñáttu basi táká noforibó.
- Véksin mara ye hámel óibar cókti ré borbad node.
- Véksin marifélaibár age tuñáttu hámel né theés gorár zorurot náí.

Beec maalumát ollá

Tuñúi tuñár COVID-19 véksin hoçé faiba saibólla, gólisoó <https://covid-vaccine.healthdirect.gov.au/>

COVID-19 véksin ókkol ór babote zodi tuñáttu súal ókkol táké, tuñár daktor loi hotá hoó, gólisoó health.gov.au/covid19-vaccines-languages, yáto National Coronavirus Helpline loi hotá hoó 1800 020 080 ot.



Buzáidiyar hédmot ókkol ólla koól goró 131 450 ot.